

海岱史略

十三

66-75

房天樂清河人滑稽多智沈文秀為宋青州刺史板為長史督齊
郡州府事一以委之慕容白曜長驅至東陽文秀嬰城固守自夏
至春始尅天樂鎖送京師卒

沈文秀傳

東方舉平原人開皇中舉與河內士熒安定皇甫韋道俱為刑部
並執法平允事行遺闕皆有吏幹為當時所稱

高構傳後

蕭脊蘭陵人有雋才住青楊巷西城何妥住白楊頭時人為之語
曰世有兩雋白楊何妥青楊蕭脊其見美如此

何妥傳

高世衡渤海人大業末為櫟陽令與蕭令彭城劉高城臯令宏農
劉熾俱有恩惠時長吏多賊汙衡高及熾清節逾勵風教大洽獄
無繫因為吏民所稱

循吏魏德深傳後

隱逸傳只二人故冠於
遺賢之首

董京清河人與同郡崔康時等俱以碩學播名遼海子謚好學傳

父業中山平入朝拜儀曹郎撰朝覲饗宴郊廟社稷之儀崔宏傳後

沈法會兗州人能隸書宣武之在東宮敕法會侍書後以隸迹見

知於閭里者甚衆未有如崔浩之妙江式傳後

崔高容清河人裴叔業以壽春歸魏高容等並預其功高容博學

善文辭美風采景明初位散騎侍郎出為揚州開府掾帶陳留太

守卒官裴叔業傳

王安世北海人苻堅丞相王猛元孫也歷涉書傳夏侯道遷以拔

漢中歸誠安世參其勲末位北華州刺史夏侯道遷傳

性所資惟松水而已雖隆冬沍寒不服綿絮太傅徐陵為之刊山
立頌初在縉雲山太極真人徐君降之曰汝年出八十當為王者
師然後得道也晉王廣鎮揚州聞其名手書召之則謂門人曰吾
今年八十一王來召我徐君之言信而有徵於是遂詣揚州晉王
請受道法則辭以時日不便及夕命侍者取香火如平常朝禮之
儀至於五更而死支體柔弱如生停留數旬顏色不變晉王下書
以為屍解使人送還天台定葬是時道中多見則徒步云得放還
至其舊居取經書道法分遣弟子仍令淨掃一房曰若有客至宜
延之於此然後跨石梁而去不知所之湏臾屍柩至知其靈化時
年八十二晉王聞而益異之遣畫工圖其狀令柳詵為之贊

隋以
上原

海岱史畧卷之七十五

北史遺賢

鄭修北海人也少隱於岐南凡谷中依岩結宇不交世俗雅好經史專意元門前後州將每徵不至岐州刺史魏蘭根頻遣致命脩不得已暫出見蘭根尋還山舍蘭^根申表薦修明帝詔付雍州刺史蕭寶夤訪實以聞會寶夤作逆事不行

徐則東海郛人也幼沈靜寡嗜慾受業於周宏正善三元精於論議聲擅都邑則嘆曰名者實之賓吾其為賓乎遂懷栖隱之操杖策入縉雲山學者數百人苦請教授則謝而遣之不娶妻常服巾褐陳大建中應召來憩於至真觀暮月又辭入天台山因絕粒養

下以俟援軍壽春克定元護頗有力馬景明初以元護為齊州刺史廣饒縣伯州內饑儉表請賑貸蠲其賦役但部曲多有侵擾城邑之苦故不得為良刺史也三年卒贈青州刺史

朱元旭字君昇樂陵人也頗涉子史開解凡案稍遷尚書度支郎中神龜末沙汰郎官元旭與太山羊深並以才用見留尋兼尚書右丞本州中正時關西督都蕭寶寅啟云所統十萬食惟一月明帝大怒詔問所由錄令已下皆推罪元旭入見御坐前屈指校計寶寅兵糧乃踰一年事乃得釋後遷衛將軍左光祿大夫天平中復拜尚書左丞既無風操俛仰隨俗性多機數自容而已除義州

刺史卒官

恨之遂面陳聰罪出為并州刺史聰善於去就側身承奉肇遂待
之如舊宣武末拜散騎常侍平北將軍明帝踐阼以其素附高肇
出為幽州刺史尋以高肇之黨為中尉元匡所彈遂廢家_於斷絕人
事惟修營園果世稱高聰黎以為珍異後拜光祿大夫卒贈青州
刺史謚曰獻所作文筆二十卷

李元護本遼東襄平人晉司徒寅之世孫也寅以下四世皆有名
宦祖後智隨慕容德南渡河居青州數世無名三齊豪門多輕之
元護以魏平齊後隨父懷慶南奔身長八尺少有武力仕齊位馬
頭太守雖以將用自達然亦頗覽文史習於簡牘後為裴叔業司
馬帶汝陰太守叔業歸順元護贊同其謀叔業疾病元護督率上

其美言之朝廷由是與少游同拜中書博士轉侍郎稍為孝文知
賞後兼太子左率聰微習弓馬乃託王肅願以偏裨自效肅言於
帝假聽輔國將軍援渦陽聰躁怯少威重及與賊交望風退敗徙
平州行屆瀛州刺史王質獲白兔將獻託聰為表帝見表顧王肅
曰在下那得有此才令朕不知肅曰比高聰北徙或其所製帝悟
曰必應然也宣武親政除給事黃門侍郎及幸鄴還帝射矢一里
五十餘步侍中高顯等奏請勒銘射宮永彰聖藝遂刊銘射所聰
為之辭趙修嬖幸聰深朋附修死其黨皆黜落而聰以疎宗之情
曲事高肇獲免茹皓之寵聰又媚附每稱皓才識非修之儔及皓
見罪戮聰以為死之晚也其薄於情義皆如此中尉崔亮知高肇

鮮任喪中遥授長兼殿中尚書卒贈衛尉卿謚曰平子祖朽

祖朽身長八尺腰帶十圍涉獵經史好為文詠善與人交襲父爵
須昌侯例降為伯以本州中正為統軍諫邢巒討梁師以功封南
城縣男累遷中書侍郎神末除東豫州刺史祖朽善撫邊清平有
信百姓稱之後為瀛州刺史卒贈吏部尚書兗州刺史無子以弟
祖歸子義暢為後襲爵

高聰字僧智本勃海人也曾祖軌隨慕容德徙青州因居北海之
劇縣父法昂以軍功至員外郎子卒聰生而喪父母祖母王撫育
之魏攻克東陽聰徙平城與蔣少游為雲中兵戶窘困無所不為
族祖允視之若孫大加調給聰涉獵經史頗有文才允嘉之數稱

七十髮鬚皓白而氣力未衰跨鞍馳騁有若少壯篤於姻類有國
士之風張讜之亡躬往營視有若至親太和中孝文賓禮舊老衆
敬與高允引至方山雖文武奢儉好尚不同然亦與允甚相愛敬
接膝談欵有若平生後以篤老乞還桑梓許之將還文明太后與
帝引見於皇信堂賜以酒饌車馬等物勞遣之卒於兗州子元賓
少豪俠有武幹涉獵書史與父同建勲誠至京師賜爵須昌侯後
拜兗州刺史假彭城公父子相代為本州當世榮之時衆以老還^敬
鄉常呼元賓為使君每元賓聽政時乘板輿出至元賓所先遣左
右敕不聽起觀其斷決忻忻然喜見顏色衆敬善持家業猶能督
課田產大致儲積元賓為政清平善撫人物百姓愛樂之以父憂

父旋之妻許氏生二子法恩法武而旋之卒許氏携二子奔江南
法武改名峻南史有傳

畢眾敬東平須昌人也少好弓馬射獵交結輕果盜掠為業仕宋

以太山太守湘東王或殺其主子業而自立遣眾敬詣兗州募人

彭城刺史薛安都與密謀云晉安有上流之名且孝武第三子當西

從晉安眾敬從之及安都以城入魏眾敬不同其謀先已遣表謝

宋宋明授眾敬兗州刺史而以其子元賓有佗罪獨不捨之眾敬

拔刀破柱曰皓首之年惟有此子今不原貸何用獨全及尉元至

乃以城降事定眾敬悔恚數日不食皇興初就拜散騎常侍賜爵

東平公與中書侍郎李璩對為兗州刺史後徵還京師眾敬年已

聞位蘭陵二郡太守仁信待物檢慎至誠故見重於時卒贈徐州刺史謚曰孝

劉休賓字處幹本平原人也祖昶從慕容白德度河家於北海都昌縣父奉伯宋北海太守休賓少好學有文才仕宋為兗州刺史娶崔邪利女生子文華崔氏先歸寧在魯郡邪利之降文華母子與俱入魏及慕容白曜軍至休賓不降白曜使崔氏母子至城下示賓許待歷城後歷城降休賓乃出請命及立平齊郡以梁鄒人為懷寧縣以休賓為令卒官文華有志尚綜覽羣書輕財重義孝文帝幸方山文華大言求見申父功厚賞屈於是賜爵都昌子深見待遇拜協律中郎卒於高陽太守贈兗州刺史謚曰貞休賓叔

員外散騎侍郎以驚常得無事一醉輒八日詔授易州刺史或言
未合乃追停儻語人曰易州刺史何必勝道義仁壽中卒子世

濟

隋

懷第九弟子約五歲喪父不肯食肉後居母喪哀毀骨立人云
九作孝風吹即倒禪月兄子度死又百日不入房長八尺餘姿神
雋異與兄子瞻俱詣晉陽寄居佛寺瞻每退朝以子約立馮几對之
儀望俱華儼然相映諸沙門竊窺之以為二天人也元明中為功
郎卒

逞兄邁字寧祖亦有名於時為慕容垂尚書左丞邁曾孫延壽冀
州主簿輕財好施甚收鄉曲譽延壽子隆宗簡率友悌居喪以孝

君為親不顧萬死可謂家之孝子國之忠臣也天保初懷為侍中
仲文為銀青光大夫錄同日受拜詩云兩鳳連飛嘗被敕召宿醒未
鮮文宣怒將罰之試使為觀射詩十韻操筆立成乃原之拜散騎
常侍光祿大夫卒子偃尚書郎偃弟儵

儵字岐叔少與范陽盧思道隴西辛德源同志友善每以讀書為
務負恃才地大署其戶曰不讀五千卷書者無得入此室初舉
才為員外散騎侍郎遷殿中侍御史與熊安生馬敬德等議五禮
兼修律令歷尚書郎與趙邱李若俱見稱重時人語曰京師灼灼
崔儵李若若每語其子曰盧思道崔儵杳然崖岸吾所重也汝其
師之齊亡歸鄉隋開皇四年徵授給事郎兼內史舍人尋陳還鄉

常侍聘陳行過彭城讀道旁碑文未畢而絕倒此碑乃瞻父徐州
時所立故哀感焉瞻經熱病面多瘕痕然雍容可觀辭韻溫雅
人大相欽服陳舍人劉師知見而心醉乃言常侍前朝通好之日
何意不來今日誰相對揚者其見重如此還襲爵武城公再遷吏
部郎中因患耳請急十餘日遂免歸天統末加驃騎將軍就拜銀
青光祿大夫卒贈大理卿濟州刺史謚曰文瞻性方重好讀書所
與周旋皆一時名望酒後清言聞者莫不傾耳自天保以後重吏
事謂容止醞藉者為潦倒而瞻終不改焉有集二十卷
陵弟仲文有文學太和中為丞相掾沙苑之敗仲文持馬尾渡河
波中乍沒乍出神武望見曰崔掾也遽遣舡赴接及至謂曰卿在

然性侈耽財色於諸弟不能盡雍睦之美世論以此譏之子瞻

瞻字彥通潔白善容止神彩嶷然言不妄發才學風流為後來之

秀初潁川荀濟自江南入洛瞻學於濟故得經史有師法侍中李

神傷雅有風譽見瞻歎謂邢邵曰昨見崔陵兒便為後生第一我

遂無此物見此使人傷懷神武召為相府中兵叅軍轉主簿魏孝

靜帝以人日登雲龍門瞻與其父陵俱侍宴為詩詔問邢邵等曰

今瞻此詩何如其父咸曰陵博雅宏麗瞻氣調清新並詩人之冠

冕宴罷咸共嗟賞之今日之宴併為崔瞻父子皇建元年除給事

黃門侍郎孝昭踐阼皇太子就傳受業除太子中庶子專在東宮

調護講讀及進退禮度皆歸委焉大寧元年除衛尉卿尋兼散騎